

der rechten zu der lincken / auch sehen wirß  
bey den Ackerleuten auff dem felde / das sie  
das korn vnd andern samen seen von der  
rechten hand zu der lincken / Desgleichen  
geschicht auch alle bewegligkeit mit schla-  
gen / hawen vnd werffen von der Rechten  
zu der Lincken / darumb heiß ich das ( die-  
weil vns die einbildung der natur dahin  
neigt vnd zeucht ) eine rechte natürliche  
ordnung für sich vnd nicht hinder sich / Dar-  
umb ist die kunst der Rechnung auch der  
Hebraischen Schrift nach gesetzt / das die  
erste zal krogen der rechten hand bedeut die  
erste stad vnd sich selbst / als 2 bedeut 2 / 3  
bedeut 3 / 4 bedeut 4 / aber die ander zal kro-  
gen der lincken hand bedeut so viel mal zeh-  
hen / als 4 an der andern stad bedeut vier-  
zig / das ist zehen mal sich selbst oder zehen  
mal 4 / An der dritten stad bedeut sie so vil  
mal hundert / als 5 an der dritten stad be-  
deut fünffhundert / An der vierden stad so  
viel tausent / als 6 bedeut an der vierden  
stad Sechstausent / wie denn zu mehrem  
verstand noch mehr exempel folgen.

Die